



UNIVERSITÄTS-
BIBLIOTHEK
PADERBORN

Universitätsbibliothek Paderborn

Corpus Doctrinae Christianae

Melanchthon, Philipp

Lipsiae, 1572

VD16 M 2890

Philippus Melanchthon Pio Lectori S. D.

urn:nbn:de:hbz:466:1-36094

303
LOCI PRÆCIPVI
THEOLOGICI.

PHILIPPVS MELANCHTHON
PIO LECTORI S. D.

PRODEST FIRMA ET PERSPICVA
testimonia de singulis articulis doctrinae Christianae, ordine dis-
tributa, velut in tabella habere proposita, vt cum disputant animi
secum, aut anguntur, sententia certa in conspectu sint qua trepidan-
tes erudiant, erigant, confirmant, consolentur. Hac enim sunt exer-
citia fidei p̄p̄s & necessaria, & non ignota, de quibus Propheta in-
quit: *Luxerna pedibus meis verbum tuum.* Ad hunc usum domesti-
cam initio mihi hos locos institui, & cum viderem his turbulentis
temporibus interdum aliqua explanatione opus esse, addidi interdum
aliquas descriptiones, aut partitiones. Hac cum postea circumfer-
rentur in manibus multorum, recognoscenda & augenda fuerunt.
Non ambitione, non *φλοονεία*, non emulatione, non vt sererem ri-
zas, hac & institui & collegi, sed primum vt meipsum erudirem,
deinde vt aliquorum qui hac legebant, honesta & pia studia adiuua-
rem. Sed de voluntate mea nihil dicam amplius, quam quod Deo pro-
batum esse spero, ac mea conscientia testimonium antefero crimina-
tionibus Ecc̄j, Cochlei, Alfonsi, & multorum qui illis applaudunt.
Cum autem re ipsa cognouerim, explanationem dogmatum Ecclesie,
propter multas causas opus esse difficilimum, & quanquam necessa-
rium est, tamen plenum esse ingentium periculorum: attente audi-
ti interpretes eruditos *υγιεινός* & *ιδεός*, & mediocri cura & so-
licitudine inquisiui Ecclesie doctrinam, & conatus sum res veras,
quantum potui perspicuitate, recitare. Non gigno novas opiniones, nec
aliud inanis scelus esse in Ecclesia Dei sentio, quam ludere fingendis
novis opinionibus, & discedere à prophetica & Apostolica scriptura,
& consensu vero Ecclesie Dei. Sequor autem & amplector doctri-
nam Ecclesie Vitebergensis & coniunctarum, quae sine ulla dubita-
tione consensus est Ecclesie catholicae Christi, id est, omnium erudito-
rum in Ecclesia Christi. Vult autem Paulus, esse iudicia doctrinae in
Ecclesia, vt veritas seruetur incorrupta, & non temere labefactetur
concordia: Et agnosco ipse meorum scriptorum maciem & squalo-
rem.

rem. Quamquam igitur proprie & plane loqui studeo, tamen fieri potest, praesertim in tanta mole rerum, & in tanta breuitate, ut interdum aliquid dictum sit obscurius, aut parum commode. Ideo non desugio iudicia Ecclesiarum nostrarum. Nam has censeo vere Dei Ecclesiam, & vera animi pietate eas veneror, nec me ad inuicem, meamque dicta, scripta & facta, earum iudicio permittam. etiam optaui alios, qui antecellunt eruditione & iudicio, communicato consilio, & collatis sententijs de rebus ipsis, & de reformandis quendi graui autoritate tale aliquod opus condere, quod ordinis principuas materias doctrinae Ecclesiasticae, complecteretur. Deum hanc rem cura esse debere pijs & sapientibus Principibus, praesertim in tanta temporum confusione. Sed videmus Ecclesiam non regimani consilijs. Oro igitur Deum aeternum Patrem Domini nostri Iesu Christi, ut propter filium suum Dominum nostrum Iesum Christum, quem voluit esse pro nobis victimam, & Ecclesiam sibi colligat, regat & seruet, & docentium & discipulorum mentes gubernet, studia adiuuet, & ad veritatem & concordiam amorem multos slectat. Id cum Christus in agone suo precatus sit, nostra vota & nostros gemitus ad huius nostri pontificis precam adiuuamus, qui dixit: Pater sanctifica eos in veritate, seruitus est veritas. Ne sinas extinguere lucem veritatis, id est, Euangelij tui. Et addit: Sint vnum, sicut & nos vnum sumus. Primum vnum coniuuncti sint, deinde inter sese sint concordantes, & consulant paci verae Ecclesiae, iustu officijs. Hortor & scholasticum gregem, ut cogitent, qua in statione a Deo collocati sint, & sciant se Ecclesiae Dei seminaria esse. Nam ex hoc numero filius Dei regnans ad dexteram aeterni Patris, ac dona dans hominibus, videlicet pastores & doctores, sumit Euangelij ministros, quos preparari vult in scholis. Hos esse custodes librorum Prophetiarum & Apostolicorum, & verorum dogmatum Ecclesiae voluit. Quare diligentiam & fideliorem omnium maxima, Deo, Ecclesiae, & posteritati praestemus, veritatem inquiramus, amemus, tueamur, & ad posteros incorruptam transmittamus. VViteberge.

ANNO M. D. XLIII.